

Viðbragðsáætlun Ártúnsskóla um líkamlegt inngrip

Með því að hafa viðbragðsteymi við skólann tryggjum við fagleg og örugg vinnubrögð í krefjandi aðstæðum.

Líkamlegt inngrip er líkamsbeiting sem ætlað er að hafa áhrif á, draga úr eða koma í veg fyrir gjörðir nemanda eða barns. Líkamlegt inngrip felur í sér beina líkamlega snertingu og aðgerðir til að breyta ætluðum hreyfingum barnsins. Líkamlegt inngrip getur m.a. falið í sér að beita barn valdi með því að halda utan um það svo það geti ekki farið, halda í hendur eða fætur barns svo það geti ekki slegið eða sparkað frá sér eða skaðað sjálft sig eða til að flytja barn með valdi milli staða.

Hlutverk viðbragðsteymis:

Er fyrst og fremst að tryggja öryggi barns og annarra. Taka barn úr aðstæðum ef hægt er, fækka áreitum, og ef á þarf að halda að biðja aðra nemendur að yfirgefa aðstæður. Líkamlegu inngripi er eingöngu beitt ef nauðsyn krefur, ef hætta er á að barn skaði sig eða aðra.

Viðbragðsteymi Ártúnsskóla

Bárður Steinn Jóhannesson, Eggert Thorberg Kjartansson, Ellen Gísladóttir og Guðrún Bára Gunnarsdóttir.

Hvernig skal kalla eftir aðstoð

Ef kalla þarf eftir aðstoð viðbragðsteymis þá er það gert með því að hafa samband við skrifstofu, hringja eða fara fram og óska eftir aðstoð.

Hvenær er þörf á að kalla eftir aðstoð

Starfsfólk óskar eftir aðstoð ef hætta er á að barn skaði sig eða aðra.

Reglugerð um ábyrgð og skyldur aðila skólasamfélagsins í grunnskólum

<https://www.reglugerd.is/reglugerdir/eftir-raduneytum/menntamalaraduneyti/nr/17942>

Í 13. grein segir:

Ef starfsfólk skóla metur að háttsemi nemenda leiði af sér hættu fyrir samnemendur og/eða starfsfólk skóla ber starfsfólki skylda til að bregðast tafarlaust við slíku með líkamlegu inngripi til að stöðva nemanda. Líkamlegu inngripi skal aðeins beitt í ítrustu neyð og eingöngu þegar ljóst er að aðrar leiðir duga ekki til að forða nemanda frá því að skaða sig og/eða aðra.

Verklag viðbragðsteymis

Viðbragðsteymi leggur ávallt áherslu á að gefa nemanda val um að láta af hegðun án inngrips, fækka áreitum og að færa barn úr aðstæðum.

Í 13. grein segir:

Starfsfólki skóla er óheimilt að neyta aflsmunar nema nauðsyn krefji til að stöðva ofbeldi eða koma í veg fyrir að nemandi valdi sjálfum sér eða öðrum skaða eða eignatjóni. Skál þess ávallt gætt að ekki sé farið strangar í sakirnar en nauðsyn ber til í samræmi við meðalhófsreglu 12. gr. stjórnsýslulaga nr. 37/1993. Láta skal tafarlaust af inngripi er hættu hefur verið afstýrt.

Verklag varðandi óæskilega hegðun

Ef nemandi sýnir af sér óæskilega hegðun er ætíð reynt að:

- tryggja öryggi viðstaddra
- fækka áreitum
- taka barn úr aðstæðum
- gefa barni færi á að róa sig niður
- vera til staðar fyrir barn

Skv. 13. grein segir:

Skólastjóri skal sjá til þess að atvik samkvæmt þessari málsgrein séu skráð og varðveitt í skólanum svo og ferill máls og ákvarðanir sem teknar eru í kjölfarið, í samræmi við lög um persónuvernd nr. 77/2000. Atvikaskráning skal fela í sér lýsingu á aðdraganda, atburðinum sjálfum og mati á þeirri hættu sem orsakast hefði af athafnaleysi.

Mikilvægt er að starfsfólk vinni ekki eitt við slíkar aðstæður og kalli eftir aðstoð annars starfsfólks skólans eða viðeigandi utanaðkomandi aðstoð, t.d. frá lögreglu, heilsugæslu eða öðrum eftir atvikum.

Hvað gerist í kjölfar þess að teymið er kallað til

Í kjölfar þess að viðbragðsteymi er kallað til er ætíð farið yfir öll málsatvik og haft samband við foreldra / forráðamenn og gerð atvikaskráning, hugað að fyrirbyggjandi aðgerðum og haft samband við sérfræðiaðila ef við á.

[Sjá reglugerð um ábyrgð og skyldur aðila skólasamfélagsins í grunnskólum](#)